

Daz ander daz er schalde daz
 Welher habe geräten baz.
 Daz dritte daz er erdenche snelle.
 War er danne tvn welle.
 S wann er daz getan hat.
 S o tv danne für sich hant diat.
 S waz er danne tvn sol.
 D az dvnch er mich getan wol.
 D az reht sol nah dem rat
 Den herren zen werchen wechen diat.
 A usd der lewe erwechet ist.
 Nah der dreier tage vrist.
 Noh wil ich ev bederten baz.
 D tv drev dvnch waz er daz.
 D i man amme rat haben sol.
 Man sol vernemen hart wol
 A mme rate reht geleich.
 Waz der arme vnd der reiche
 Waz der ynge vnd der alte.
 S prechen welle. man sol sev halte.
 Manen daz si spriechen gar.
 Waz sev dvnche daz war.
 Der arme gebe diche gverten rat.
 S wann in der reiche nin enhat.
 Solt mans dann vragin in.
 Amme got ist nuht der sin.
 S wer des nah reht war tvt.
 Der sin ist gar in dem mvte.
 S o mach der arme vnd der reiche.
 Wol amme sinne sein geleich.
 Ja geschicht diche vnd vil.
 Wt war ich ez ev sagen wil.